

Халық бірлігі – толеранттылық пен мәдениетаралық қатынасқа негізделген қуатты да берекелі мемлекеттің белгісі. 1 мамыр – ұлттық бірлігіміздің күні, Қазақстандағы барлық халықтардың достығы мен келісім мерекесі, қазақстандық патриотизмнің, елімізге, халқымызға адалдық мерекесі.

Еліміз жеткен жетістіктің барлығы татулық пен келісімнің жемісі. Бүгінде Қазақстан бірлік пен ынтымақтың, татулық пен тұрақтылықтың нышанына айналған. Бұл мереке барша қазақстандықтарды біріктіретін игі дәстүр іспеттес. Сайып келгенде, оның миссиясы – халықтар достығы, бейбітшілік пен ынтымақтастық, жүздеген мәдениеттерді біріктіру сынды құндылықтарды есте сақтау, дәріптеу.

1 мамыр мерекесі ТМД-ның

ХАЛЫҚ БІРЛІГІ – БЕРКЕЛІ МЕМЛЕКЕТТІҢ БЕЛГІСІ

көптеген елдерінде тойланады. Тіпті, кейбірі мереке деп атағанымен, атаулары бөлек. 1995 жылы 18 қазанда Қазақстан Республикасында ұлтаралық бірлік күні бекітілді. 1 мамырды Қазақстан халқының бірлігі күні деп жариялау туралы Қаулыға қол қойылды. Елімізде «Достық» деген атпен бір шаңырақтың астына топтасқан барлық ұлттық мәдени орталықтар мерекеді ән айтып, билеп, салт-дәстүр мен әдет-ғұрыпын дәріптейді. Ал, 1 мамыр Арменияда, Беларусь және Қырғызстанда – Еңбек күні, Молдова, Украина мен Тәжікстанда – Еңбекшілердің халықаралық ынтымақтастығы күні, Ресей Федерациясында көктем мен еңбек мерекесі ретінде тойланады.

Мереке қарсаңында М.Әуезов

атындағы Оңтүстік Қазақстан университетіндегі әскери кафедраның құрылғанына 60 жыл толуына орай, Шымкент қаласындағы жоғары оқу орындары жанындағы әскери кафедра студенттерінің арасында әскери-қолданбалы спорт түрлерінен жарыс өтті. Сайыс тартысты өтсе де, студенттер арасындағы достық мен сыйластық жоғары деңгейде екеніне тағы да көз жетті. Жарыс жүлдегерлері «М.Әуезов атындағы ОҚУ» КЕАҚ басқарма төрағасы-ректоры атындағы кубоктармен марапатталды.

**Бауыржан БАЙҒҰЛОВ,
М.Әуезов атындағы
ОҚУ әскери кафедрасының
оқытушысы, запастағы
майор**